

Egei Koma Jonha Nalama Nei

Tawale Ta

Egei koma koune Jonha nalai. Kuguo kou nalama, o e mogo Gaiuskou neibe, Godiha dabai degedi o kedia dogou guyadomou nalama nei.

Taba, Jonha o Diotrefes eme midihog kasagai milou di o, haba o Demetrius eme midihog bolomilou di oyodemou nalai.

Kuguo 3 Jon koumaha sibige kaha widio ta hiyeba tanou fei dala.

Di Godiha dabai degedi o kedia dogou gume

¹ Ame odo, a o ma mogodo Gaius namokou hohog hiyedo degeli kaha, a kuguo kou nalama, namokou nelikuhe.

² Ma mogodo, a na degeli olou fei keme bolonou degeyadomou dihog baga tobolou, na do degeiye domou ne dihog baga tobolou. Ne duobe bolofejido dala keme a kou tewe.

³ Damaleyodele i o ilo kedia haguasiemou be, name ta damaledo ke seseliyode tobolou i. A ta ke dulomou, hohog hiyedo degei, name damaledo

taya kenou siadiyode tobolou imou du kaha degemou.

⁴ A ma sisigo dia damaledo ta ke sesele iliyo-deimou dulomou be, a hoho hiyedo degeli. Hoho a dugulube hoho a afu dugudi keme gabama folodo.

O Gaius eme dabai bologuado degedi o

⁵ Ma mogodo, nage damaleyodei o sasai kedia dogou gulobe ta dafadiyo mei. Damaledo, sa ta o sasaiye fologoumou ne, na dogou gudi.

⁶ O sasai kediage ei sosi mosokou haguasiemou, na solou do degedi midihog ke eimokou tama dege tobolou i. Haba, o kegele i kedia yala deibabe, nage diamokou nale ta nejiba, dioou tou ma aba yolugi nale. Na Godi yoou tagaiya kenou dogou gulobe bolou.

⁷ Dia Yesuha dabai degelamou youmou be, sa ta o sasai, damaleyodili mei kediage ta dogou gulo idiyo mei.

⁸ Kegei degemou, di o kegele i kedia bologuado dia dalame, di olou fei Godiha dabai fi tanou dege degeiba, ta damaledo ke sa sa olou fei tefeyadeba.

O Diotrefes eme midihog kasagai milou di o

⁹ Afu, a kuguo tou dege ta nalamamou, ne sa o sasai, damaleyodei kediamekou kou nej. Kenou si o Diotrefes e yoousie ni hiye o degelamou degeligibe, ei tabe ta dudiyo mei.

¹⁰ Kegei degemōu, a n̄imokōu ile foloubabe, e midihō kege degedi keme a tamā dege n̄imokōu tobolōu. Damaledo, e ei tobe susuga tobolōu mōu, haba damaleyodele i o sasaj̄ kedija n̄i sakōu ya fologomōu be, e yoŋu e mosokōu ta sosogōu folodiyo mei. N̄i o ilo kelegenōu, die mosokōu wolōu falamōu degeimōu be, e ile akogoguemōu, n̄i sosi mosokōu ne folodamabeede tobōu di.

O Demitrius eme midihō bolofej̄ milōu di o

¹¹ Mā mogodo, nā oe midihō kasagaj̄ milōu mōu dugu sagaj̄ ke hobōu seseda. Midihō bolofej̄ milōu mōu dugu sagaj̄ kenōu sese. Midihō bolofej̄ milōu di o keme Godiha bi. Midihō kasagaj̄ milōu gadi oyege Godibe ta duguli mei.

¹² O sasaj̄ olōu fej̄ kedija e o Demitriusbe midihō bolō milōu gadi oyodele idi. Godiha tā damaledo kahane midihō bolōdo e milōu goulu sagaj̄ kenōu tobōu di. Haba eine eme o bolofej̄yode tobolōu ili kuhe. Nā kōu tewe, ei tabe damaledo.

Odo Jon e o Gaius dugulo sagaj̄

¹³ A n̄amokōu tā hiyedo kōu tobolōu sagaiye, kenōu si a kuguokōu nōu nalama, n̄amokōu nelebe dafa.

¹⁴ Mayoŋunōu ile, nā duguoba, da tā kolobe hafej̄ degeidade tawali.

¹⁵ Nā bologua dala. Mā mogo kōu le dalagua dia n̄amokōu agali bolofej̄yode tobolōu ili. Haba,

nage a agali bolofeyodili ke di mogo tanou tanou
kele dalagua diamokou ne tobou yedili.

Konai
Konai: Godiha Ta Bolofei New Testament
Nupela Testamen long tokples Konai long Niugini
copyright © 2014 Wycliffe Bible Translators, Inc.

Language: Konai

Contributor: Wycliffe Bible Translators, Inc.

All rights reserved.

2025-05-08

PDF generated using Haiola and XeLaTeX on 7 May 2025 from source files
dated 8 May 2025

8c47cab8-fc6e-524e-936f-c52eba70db94